

自常空不以智慧方便觀故空。八萬四千法門者。賢劫王經云。謂佛最初修行諸波羅蜜多。乃至最後分布佛體波羅蜜。三百五十度。一一皆具六波羅蜜。如是惣有二千一百對治。貪瞋癡及等。分有八千四百。除四大種六無義。大塵所生過。法輪。沙論云。失十轉合有八萬四千法門也。何名法輪。答是法所成故。法為自性故名法輪。如世間呼金輪等輪。是動轉不性義。捨此離彼義能伏怨敵義。又圓滿義。謂轂輻輳三事具足故。輪體法即八聖道支也。初明小乘法輪者。以戒為先故。用正語正

業正命為轂。轂根本也。依戒生定故。用正定正勤正念為輻。輻能攝錄。依定發慧故。用正見正思惟為輳。○次大乘法輪者。以智為先用。正見正思惟為轂。智惠皆名根本智故。次用正語正業正命為輻。輻依轂立。戒因智淨故。後用正定正念正勤為輳。定因戒得。戒為定攝故。二諦。一俗諦。又名安

立諦。二真諦。又名非安立諦。又名勝義諦。○婆沙論云。諦者實義。真義。如義。不顛倒義。無虛誑義。○契經云。佛所說法。四諦。一苦諦。二集諦。三滅諦。四道諦。○毗婆沙論云。逼迫流轉

皆歸二諦

四諦

一苦諦二集諦三滅諦四道

是苦相。生長能轉業。是集相。寂靜止息。是滅相。出離
還滅。是道相。○又云。一切如來宣說開示四諦法。拔
濟有情。出離生死。故欲顯要。

正法

婆沙論。正法
有二種。一。世

由自勤修道。不由他修故。

俗正法。謂名。句。文。身。即經律論也。二。勝義

佛法

正法。謂聖道。即無漏根力覺支道支也。

壽命

法住經云。佛告阿難。我涅槃後。正法一十
年。由女人出家故。減五百年。像法一千年。

末法一萬年。○鈔云。正法有二。一。證正法。約證聖道
說。正。猶證也。二。教正法。謂內法。文字。惣名正法。統像

末。說若正法時。有教有行有證。故若像法時。像似也。
有教有行。似正法時。則證果者鮮矣。若末法時。空有
教。無修行者。○大毗婆沙論云。佛言有二。補特伽羅。
能住持正法。謂說者行者。若持教者。相續不滅。能令
世俗正法久住。若持證者。相續不滅。能令勝義正法
久住。持正法人有二。一。持教法者。謂續誦解說經律
論等。持正法者。謂。
佛法先後 報恩經云。佛以
能修證無漏聖道。法為師。佛從法
生。法是佛母。佛依法住。於三寶中。何不以法為初。佛
言。法雖是佛師。而非佛不弘。所謂道由人弘。是故佛

先法後也。

僧寶

法苑珠林云。夫論僧寶者。謂禁戒守真威儀出俗圖方外以發

心。弃世間而立法。官榮無以動其意。親屬莫能累其想。弘道以報四恩。育德以資三有。高越人天。重逾金王。稱為僧寶。○順正理論云。僧有五種。一無耻僧。謂毀戒披法服者。二癡半僧。謂於三藏教不了達。無聽說用。三朋黨僧。謂於遊散營務鬪諍。善巧結構。此三種多分造非法業。四世俗僧。謂善異生。此通作法非法業。五勝義僧。謂四果此定不容造非法業。○十輪經云。僧有二種。一勝義僧。即佛菩薩二乘等。般若燈

論云。四果人。謂與戒定慧解脫解脫知見和合故。名僧也。

菩薩

菩薩者。具足應云。菩提薩

埵。唐言覺有情。覺者。所求果也。有情者。所度境也。言摩訶薩者。此云大有情。即能求能度人也。地持論云。

薩埵是勇猛義。精進義。求大菩提故。名摩訶薩。

聲聞

聲聞者。瑜珈論云。諸佛聖教。聲為上。

首。從師友所聞。此聲教。展轉修證。永出世間。小行小果故。名聲聞。

獨覺

梵云。單勒古摩。

迦。唐言獨行。此有二。謂部行。麟喻也。瑜珈論云。常樂寂靜。不欲雜居。修加行滿。無師友教。自然獨出世間。

中行中果故名獨覺。或觀緣悟道。又名緣覺。華嚴經云。上品十善道。修治清淨。不從他教。自覺悟故。大悲方便。不具足故。悟解甚深。因緣法故。○二住持僧者。准高僧傳有十科。一譯經。二解義。三習禪。四明律。五護法。六感通。七遺身。八讀誦。九興福。十聲。

福田

德通惠大師云。為僧不預於百歲。於右僧寶訖。

彥宗法師福田論云。夫福田者何也。三寶之謂也。功成妙智。道登圓覺。佛也。玄理幽微。正教精誠。法也。禁戒守真。威儀出俗。僧也。皆是四生道首。不趣舟航。

供養三寶

大方廣不思議

境界經云。供養佛者。得大福德。速成阿耨菩提。今諸眾生。皆獲安樂。供養法者。增長智慧。證法自在。能證知諸法實性。供養僧者。增長無量福德資糧。致成佛道。

供養佛

寶積經廣博仙人問

佛滅後。云何種植。獲福報耶。佛言。諸如來者。皆是法身。若在此。或滅後。所有供養。福無有異。又問。福為積聚耶。佛言。譬如甘蔗。未壓之時。汁不可見。彼於一節二節之中。求汁。積聚了。見者。然彼汁不從外得。福德果報。亦復如是。不在施主手中。心中身中。亦不相離。猶影隨形。○大集經。商主天子問。佛在世。日供

養世尊是受者而施者獲福世尊滅後供養形像誰
是受者佛言諸佛如來法身也若在世若滅度所有
供養其福無異○善生經云佛言如來即是一切智
藏是故智者應當志心勤修供給生身滅身形像塔
廟既供養已於己身中莫生輕想於三寶所亦應如
是若我現在若涅槃後等無有異○優婆塞戒經佛
言有人言供養施於塔像不得壽命色力安樂辯才
以無受者故是義不然有信心故用施主信心布施
是故得是五常福報譬如比丘修習讚佛
慈心實無受者而亦獲得無量果報

讚佛

菩薩本行

經阿難白佛若使有人以四句偈讚歎如來得幾功
德佛言正使億百千那由無數衆生皆得辟支佛道
設有人供養是等衣服飲食醫藥牀卧敷具滿百歲
其功德多否阿難言甚多佛言若人以四句偈用歡
喜心讚嘆如來所得功德過於上福百千萬倍無以
為喻○智度論云若聞諸佛功德心尊重恭敬讚嘆
知一切衆生中德無過者故言尊也敬畏之心過於
君王父母師長利益故言重也謙遜畏難故曰恭也
推其智德故曰敬也美其功德
念佛
智度論云
爲讚讚之不足又稱揚之爲歎
但一稱南

無佛是人亦得畢苦其福無盡問云何但空稱佛名
字便得畢苦其福不盡答是以人曾聞佛功德能度人
老病死若少供養及稱名字得福無量亦至畢苦○
楞嚴經大勢至菩薩云超日月光如來教我念佛三
昧譬如有一人專憶一人專忘如是二人若逢不逢
或見非見二人相憶念深如是乃至從生至生同於
形影不相乖異十方如來憐念眾生如母憶子若子
逃逝雖憶何為子若憶母如母憶時母子歷生不相
違遠若眾生心憶佛念佛現前當來必定見佛去佛
不遠不假方便自得心開如染香人身有香氣此則

名為香光莊嚴我本因地以念佛心入觀佛護
無生忍今於此界攝念佛人歸於淨土觀佛國
經佛問波斯匿王言汝以何相而觀如來王言觀身
實相觀佛亦然無前際無後際無中際不住三際不
離三際不住五蘊不離五蘊不住四大不離四大不
往六處不離六處不住三界不離三界乃至非見聞
覺知心行處滅言語道斷同真際等法性我以此相
觀如來佛言善男子如汝所說諸佛如來力無畏等
河沙功德諸不共法悉皆如是修般若波禮佛
羅蜜多者應如是觀若他觀者名為邪觀

大方廣寶篋經。智燈聲聞問。文殊言。云何禮佛。文殊言。若見法淨。名見佛淨。若身若心。不低不昂。正直而住。不動不搖。其心寂靜。行寂靜行。是名禮佛。○法苑。齋有天竺三藏勒那。譯出七種禮法。一我慢禮。謂依位次。心無恭敬。心馳外境。五輪不具。如碓上下。二唱和禮。謂粗正威儀。心無淨想。見人則身輕急。禮人去則身墮。心疲蓋。心散而口唱也。三身心恭敬禮。謂聞唱佛名。便念佛相。身心恭敬。情無厭怠。四發智清淨禮。謂達佛境界。隨心現量。禮一佛則禮一切佛。禮一拜則禮法界。以佛法身融通。故五遍入法界禮。謂自

觀身心等法。從本以來。不離法界。佛我平等。今禮一佛。即是遍禮法界。諸佛六正觀禮。謂禮自佛。不緣他佛。何以故。一切眾生各有佛性。平等正覺。七實相平等禮。謂前猶有禮有觀。自他兩異。今此一禮。無自無他。凡聖一如。身用如如。平等故。文殊云。能禮所禮性空寂。此七禮。前二約事後四就理。○九禮佛須自展。尼師壇不得令他人展。或至塔殿上。先有地蓆。便就上禮。先無不得立。布席不得於低床上禮。弘明。脫履勿以無儀自招深罪矣。**親近佛**。勝思惟梵天問經云。梵天問文殊言。比丘云。何親近於佛。答云。

若比丘於諸法中不見有法若近若遠是則名親近
於佛○大集經云不覺一法微相者乃能了知如來
出世常**一切恭敬**九禮佛首唱此言者收攝
見諸佛衆心不馳散故一者普及
為言切者盡際為語恭者束身翹仰信者心無異心
信本為敬○智度論云一切有二一名字一切二實
一切今以名字歸實理也或問禮拜三業何攝答通
三業若五輪著地是身業稱佛名号是口業緣想聖
境專注不**南無**悲華經云佛言南無者此決定
散是意業諸佛世尊名号音聲○唯識鈔

云梵語南無此翻為名即是歸趣之義也或云那摩或曩謨皆梵音訛也**遠佛**又云
此方稱行道○西域記云西天隨所宗事禮後皆須
旋遶蓋歸敬之至也唯佛法右遶法苑云順天行也
若匝數則不定若三匝表三業也七匝表七支如經
云百千匝無數匝但以多為數表敬之極也○賢者
五戒經云旋塔三匝表敬三尊為滅三毒故○提謂
經問散華燒香燃燈禮拜是為供養旋遶得何等福
佛言有五福一後世得端正好色二好聲三得生
四生王侯家五得泥洹道○三千威儀經云旋遶有

五事。一低頭視地。二不得踞坐。三不得左右視。四不得踴躍。五不得與人語話。造像乘造像功德經云。優陀延王雕像。始夜自思惟。但其像爲坐爲立。時有智臣白王。當作坐像。何以故。一切諸佛得大菩提。乃至轉法輪。現神變。皆悉坐。故是故應作師子座。結加之像。王雕像訖。以頂戴像。至如來所。白佛言。如來寂上微妙之身。無與等。我所造像。不似於佛。竊自思惟。深爲過咎。佛告王。言非爲過咎。汝已作無量利益。更無與汝等者。汝今於佛法中。初爲軌則。未來世中有信之人。皆因王故。造佛形像。而獲大

福。○佛在金棺敬福經云。造經像主。莫論雇匠。匠人不得飲酒食肉。不依聖教。雖造經像。其福甚少。若匠人造像。不具相好者。五百萬世。諸根不具。○五百問經云。治生破戒。得財造佛。尚不免地獄。何況得福。○罪福決疑經云。僧尼白衣。或自財。或勸化。得財擬作佛像。用經文。將此錢。造作鳥獸形。安佛盤上。計損五錢。犯逆罪。究竟不還。一劫墮阿鼻地獄。若用贖香油。供養者。不犯。○宣律師云。造像梵相。宋齊間皆唇厚鼻隆。目長。頤豐。挺然丈夫之相。自唐來筆工皆端嚴柔弱。似妓女之兒。故今人誇官娃如菩薩也。又云。今

人隨情而造。不追本實。得在信敬。失在法式。但論尺寸長短。不問可自全具。或爭價利。計供厚薄。酒肉餽遺。身無潔淨。致使尊像。雖樹無復威靈。乃至抄寫經卷。惟務賤得。弱筆麤紙。使前工無敬。自心有慢。彼此通賤。法儀減矣。若使道俗存法。造得真儀。鳥獸尚不敢污。何況人乎。言文多但撮要故不次第焉

師子

座

智度論問云。何名師子座。為佛化作。為實師子。為金銀木石作耶。答云。是名師子座。非實也。佛為人中師子。凡佛所坐。若牀若地。皆名師子座。夫師子獸中獨步。無畏能伏一切。佛亦如是。於九十六種

外道。一切人天中。一切降伏。得無所畏。故稱人中師子。

蓮花座

智論問云。諸牀可坐。

何必蓮華。答。諸牀為世間白衣坐法。又蓮華濡淨。柔脆。欲現神力。能坐其上。令華不壞。故又以莊嚴妙法。

火燄

長阿含經云。佛在摩竭國毗陀山中。入火燄三昧。又昔在舍衛婆羅舍。入火燄

三昧

佛像始

增一阿含經云。優填王用牛頭旃檀雕佛形像。高五尺。此為始。

鑄像

經云。時波斯匿王聞優填王用香雕像。乃用紫磨黃金鑄佛像。亦高五尺。此為

始也 畫像

唐內典錄云。後漢明帝永平七年。使秦景往。月支國得優填王雕像。師第四畫。

樣始也。此西域。

至洛陽。勅圖於西陽城。

門及顯節陵上。供養。此土為始也。

浴佛

摩訶剎頭經云。

佛告大眾。十方諸佛。皆用四月八日夜半子時。生所以者何。為春夏之際。殃罪悉畢。萬物普生。毒氣未行。

不寒不熱。時氣和適。今是佛生日。人民念佛功德。浴佛形像。

而。今江蘇。用四月八日。浴佛。

○譬喻經云。佛以臘月八日。現神變。降伏六師。六師負墮。遂投水而死。徒黨有存者。佛為說法。開悟。同。白佛言。世尊。以法水洗我心垢。

今我請佛僧。洗浴身垢。今准此。乃至三京。皆用臘月八日。浴佛。○浴佛功德經。清淨慧菩薩白佛言。世尊。若佛在世。及滅度諸未來世中。諸眾生云何。浴像。佛言。不作空有想。於諸善品。心懷渴仰。不生疲厭。何以故。為成就如來法報身故。我今為汝說浴像法。諸供養中。最為殊勝。為眾香湯。置淨器中。先作方壇。敷妙牀座。於上置佛。以諸香湯。次第浴之。用香水畢。復以淨水。淋洗其像。入各取少許。洗像水。置自頭上。彼經有用香煎。初於像上。湯設壇法。式。

淋水時。應誦此偈云。我今灌沐諸如來。淨智功德莊嚴聚。五濁眾生令離垢。願證如來淨法身。○摩訶剎

頭經云。浴像得錢。當分作三分。一分屬佛。一分屬法。一分屬僧。若佛錢得作佛像用。若法錢得造寺樓塔。籬落牆壁內外屋舍等用。若僧錢各給與比丘用。

三寶物

佛物有四種。一佛受用物。

謂殿堂衣服牀帳等。不得互用。若曾佛用者。只得著塔內供養。不得移易使用。○五百問經云。佛堂柱木壞有施主修換訖。其故者施僧。僧不得用之。二施屬佛物。五百問云。佛物不得移至他寺。犯者若僧盡去。當白僧。僧聽將去無罪。又云。佛物得賣買。取供養具。○十誦律云。以佛塔物出息聽之。三供養佛物僧祇。

云。供養佛華多。聽賣買。香油猶多者。更賣。若佛無盡財中。即長生錢。謂子母滋生。故無盡。○五百問云。佛幡多。欲作餘事。

者。若施主不許。不得因戲佛物。律云。供養佛塔。食治塔人得食。○善見律云。佛前獻飯侍佛。比丘得食。或

白衣侍佛者。亦得食。

侍佛比丘。即今般主。白衣。即淨人也。

○茶毗經云。

佛滅度後。一切信施物。應用造佛像及佛衣幡蓋。買香油華。以供養佛。餘不得用。餘用者。犯盜罪。次法物者。如箱函。篋巾。帕。櫃等。本是經物。不可回改。別用後。僧物者。若二常住物。局本處已定。不得移往他處。又佛堂內設僧席。僧房安佛像經卷。妨僧受用。並是牙。

用由三寶位別故。各攝分齊故。若無妨。暫安著。即無損。○五百問云。本非佛堂。今設僧席。在中。比丘共佛宿。若作障隔者。不犯。由佛在。世亦與弟子同房故。

盜三寶物結罪

處 大毗婆沙論問云。若盜佛塔物。於誰處得根本業道。答於國主。施主。及守護人。天處。結罪。有說於佛邊。結罪。此物為佛攝受故。若盜比丘僧物者。若已作羯磨。於羯磨眾處得。若夫作羯磨者。普於一切善說法眾處得。

受用自體物福

般若燈論云。根本業道。

體謂檀越所捨。房舍園林。衣服飲食。卧具湯藥。資身具等。云何名福。謂撝義也。見諸眾生。沒溺煩惱。河中。起大悲心。撝出生死。置涅槃岸。故名福。

令佛法速滅有五

法 四分律有長老波摩那。白佛言。以何因緣。如來正法疾滅而不久住。息用名滅。非死滅也。佛言有五因緣。若如來滅後。比丘不敬佛法。僧戒定。以是正法不得久住。○南山鈔云。佛像經教。住持靈儀。並是我等所尊。故今僧尼多不奉佛法。內無正信。見不高遠。致虧大節。或在形像前。更相戲弄。出非法語。舉目撝臂。遍

指聖像或端坐踞傲情無畏憚雖見經像不起迎奉致令俗人輕笑損滅正法既知多過彌須大慎凡至塔觀形像必懍然加敬如對王臣亦可知矣

恩孝

元釋氏晨暮祝香禮佛乃至作一毫善事皆叩
向四恩三有者蓋是廣大心報恩申孝之至也
恩
有四焉一父母恩二師長恩三國王恩四施主恩
大乘本生心地觀經佛言世間恩有四種一父母恩

二眾生恩三國主恩四三寶恩如是四恩一切眾生
平等荷負父母者父有慈恩母有悲恩若我住世一
劫說不能盡二眾生恩者無始已來一切眾生輪轉
五道乎為父母各有大恩故三國主恩者福德最勝
維生人間得大自在三十三天常以其力護持國界
山河大地盡屬國主是故大聖王以正法化能使眾
生悉皆安樂○後譯華嚴經云國有君主一切獲安
是故人王為一切眾生安樂之本在家出家精心道
檢皆依正國而得住持演化流布若無王力功行不
成法滅無餘況能利濟是故所修一切功德六分之

一常屬國王。願王福山崇固難壞。○薩婆經云。王者
民之父母。以法攝護衆生。令安樂故。○又禮佛時。常
為諸夫龍神。願風雨順時。文武百官。常居祿位者。西
域記云。大臣者。國之重鎮。農務者。人之命食。國失鎮
則危。人絕食則死。又佛法付囑國王。大臣故。常須繫
心祝願也。四三寶恩者。佛法僧寶具足。無量神通。交
化利樂。有情暫無休息。○正法念經云。如來。三界最
勝。度脫生死。此恩難報。若於佛法深心。得不壞信。是
名報恩。○華嚴經偈云。如來無數劫。勤苦為衆生。云
何諸世間。不報大師恩。○報恩經云。父母者。三界家

勝福由。○毗奈耶律云。父母於子。有大勞苦。護持長
養。資以乳哺。假使一肩持母。一肩持父。經於百劫。徒
自疲勞。或持七寶種種供養。令得富樂。亦未報父母
恩。若其父母無信者。令起信心。若無戒者。令住禁戒。
若性慳者。令行惠施。若無智慧者。令起智慧。子能如
是。方曰報恩。○不思議光經云。非飲食及寶能報父
母恩。引導向正法。便為供二親。○彌沙塞律云。佛言。
從今聽比丘。盡心盡壽。供養父母。若不供養。得重罪。
又云。我聽五處。縱極破戒。應供養。所謂父母。親教師。
受業和軌範師。及病人。又云。出家人。於父母。應供養。
尚也

供給於三衣外自餘物或從施主乞或從僧得利或僧所常食之分減半供給若常乞食亦與已所滿腹食內應取其半濟其父母○中心經云佛言知師恩者見師則承事不見則思惟教誡如孝子之念父母如人念飲食等○大方廣不思議境界經云當供養父母和尚及世間曾致饒益賴其恩者應念倍增報恩何以故知恩者雖在生死不壞善根不知恩者善根斷滅是故諸佛稱讚知恩報恩者○或問釋氏為俗人作疏子亦有云奉為四恩者其國主父母可知其師長施主何耶答經不云及世間曾致饒益賴其

恩者若教授經書伎術事業或令避惡從善者皆師長也夫師者教以道之稱也若假借財本拯苦與樂者皆施主也夫施者有三種一財施謂與人財二心施謂慈悲心與人樂三法施謂說法利人等

孝

爾雅云善事父母曰孝○謚法云慈愛忘勞曰孝○雜記云養德順理不逆於時曰孝○四天

王經云佛告諸弟子慎汝心念無受五欲慫情去垢無求為首內以清淨外當盡孝○梵網經云佛初坐道樹成無上覺初結菩薩波羅提木叉以孝順父母師僧三寶孝順至道之法孝名為戒○孟蘭盆經云

佛令比丘為七世父母設盆供養佛及自恣僧行世入
只於一身釋氏行孝兼○法苑云持戒即是行孝謂
為七世父母可謂孝矣
 一切衆生皆曾為我父母宗親今持戒不殺生不偷
 盜等是名行孝

界趣

界謂三界趣謂六趣○祐法師序云夫三界定位六
 道區分。麗妙異容。苦樂殊迹。觀其源始。不離色心。檢
 其會歸。莫非生滅。生滅輪迴。是曰無常。色心影幻。斯
 為苦本。故涅槃箭之太河。法華方之火宅。聖人超悟。

息駕反源。按出

三界然後為道

三界

界者何。義瑜伽論云。種
 性義。因義。住持義。婆沙論

云。八段義。聲論云。趣義俱舍論云

種族義。因果不同。故有三焉

欲界

欲有四種。一
 情。二色。三食。

四。婦欲。以希須為義。謂此界四欲具足。故名欲界。此
 有六天。謂四王。忉利。夜摩。兜率。化樂。他化自在。

色界

婆沙論云。有色。可了。施設。故名色界。有一
 十八天。謂初禪有三天。梵眾。梵輔。大梵。二

禪。有三天。少光。無量光。光音。三禪。有三天。少淨。無量
 淨。遍淨。四禪。有九天。福生。福愛。廣果。無想。無煩。無熱。

無色界

所有處非想非非想

慶イロ婆ハハ娑サ論ロ問モン何ナニ故ユエニ卅サウ躰リョウ於オ四シ無ム

名淨聚涅槃執非想非非想處名世間空容睹波涅

也

一五趣雜居地

攝欲界三惡道四洲六天一離

地

生喜樂地

攝初禪
三夫人

三定生喜樂地

四離生妙樂地

攝^ス三^ノ櫛

五捨念清淨地

攝九

天六空處地七識處地八無所有處地九非想非非

想處地有地有四

三

婆沙論云。一欲有。二色有。

義謂住處攝治

三

三無色有有者何義謂二

切有漏法はたし是佛言はつ若業能し令後生相續し是有又云生滅故名有よ墮苦集諦中是有

二十

五有

阿毗曇云。欲界有十四。謂四惡趣。四洲。六欲夫。色界有七。謂四禪夫。又於初禪中取太。

梵夫。第四禪中取五淨居夫。并無想夫。無色界有四。即四定處也。法苑問云。未知何義。初禪中太梵夫別。

立為有答謂外道人計常者以太梵天王為能生萬物之主違則受生死順則解脫又太梵天王亦自計

己身能為造化之主。是常是真解脫。如來為破彼情見故。立為一有也。又無想夫者。為彼天衆生定壽五

百劫無心之報。外道計為真實涅槃。如來為破彼見。顯非涅槃故。別立為一有。又取五淨居天者。謂彼天主摩醯首羅。彼外道計彼為能造化主。歸之則得真解脫。為破彼見故。別立為一有。又人趣四洲各立為一有者。謂四趣苦多。眾生不樂著故。別立有人趣。次勝眾生樂著深重。四洲受報不同。故各立一有。

三千大千世界

即釋迦牟尼佛所化境也。世界何義。○首楞嚴經云。

世為遷流界為方位。又云。東西南北四維上下名界。過去未來現在名世。又文殊問經云。有二世。一眾生

世。即一切眾生也。二行世。即眾生住處。○長阿含并起世因本經等云。四洲地心。即須彌山。

梵音正云蘇迷盧。此名妙

高。此山有八山遶外。有大鐵圍山。周廻圍繞。并一日月晝夜回轉。照四天下。名一國土。積一千國土名小千世界。積千箇小界名中千世界。積一千中千世界名大千界。以三積千故。名三千大千世界。

趣

即五趣也。一天。二人。三地獄。四畜生。五餓鬼。謂脩羅四趣皆攝。故今開為一趣。故云六趣也。趣者何義。毗婆沙論云。所往義。是諸有情所應往結生之處。故名趣也。○毗曇論云。趣到義。謂彼善惡業因能令有情

到其生處又道

天趣

毗婆沙論云諸趣寂勝故
光明照耀故名天也○智

度論云有四種天一生天謂四天主等已上天也二
名天謂今國主稱天子三淨天謂人中生諸聖人四

生淨天即上界
生諸聖人也

生天因

業報差別經云具修增
上十善得生欲界散地

天若修有漏十善以定相應生色界天若離色修遠
離身口以定相應生無色界○正法念處經云因持
戒不殺不盜不婬由此三善得生天○辯意長者子
經云有五事得生天一不殺物命令眾生安樂二賢

良不盜布施無貪濟諸窮乏三貞潔不犯外色男女
護戒奉齋精進四誠信不欺護口四過五不飲酒

人趣

大毗婆沙論云梵云未奴沙以能用意思
惟觀察所作事故或多憍慢或能寂靜意

故名入○阿毗曇論云何故人道名摩訶沙此有八
義一聰明二為勝三意微細四正覺五智慧增上六

能別虛實七聖道正
器八聰明業所主故

人因

業報差別經云由先
造增上下品身語意

妙行故生人道○辯意經云有五事得生人中得人
尊貴一施惠普廣二敬禮三寶及長者三忍辱無嗔

四、柔和謙下。五、博聞經戒。又有五事：一、布施貧窮。二、持戒不犯十惡。三、忍辱不亂。四、精進勸化。五、一心奉事盡忠。此五事生人中。大富長壽。端正威德。為人敬仰。有五事生人中。卑賤。一、憍慢。二、於一親剛強無格。三、放逸不禮事。三寶。四、盜竊以為生活。五、負債不償。又有五事生人中。口氣香潔。身心安樂。一、稱舉不為誹謗。二、至誠不欺於人。三、誦經。三、護戒。四、教人遠惡。就善。五、不求人長短。又有五事生人中。常被誹謗。為人所憎。形體醜惡。心意不安。常懷恐怖。一、常無至誠。欺詐於人。二、眾中說法者。而誹謗之。三、見諸同學而

輕試之。四、不見他事而為作過。五、闖亂兩舌。○人道三勝。一、勇猛。二、憶念。三、梵行。此三勝生天人。

人道十苦

菩薩藏經云。人有十苦之所逼迫。一、生苦。二、老苦。三、病苦。四、死苦。五、

愁苦。六、怨苦。七、苦受。八、憂苦。九、煩惱。十、流轉大苦。○人胎藏八位。喻琬論云。一、羯羅藍。結胎。二、過部曇。

表裏。三、閑戶。仍極柔軟。四、鍵南。厚。五、鉢羅奢佉。相現。六、毛髮。爪位。七、根位。顯現。八、形位。分明現。○又十時。

膜時。泡時。肉團時。五枝時。胎中。嬰孩時。童子時。少年時。盛壯時。衰老時。人中。凡夫大威。

德陀羅尼經云於生死迷惑流轉住不正道故名凡夫。梵云婆羅隋言毛道謂行心不定猶如輕毛隨風東西故又有二種一嬰兒凡夫謂無智慧故二愚暗凡夫頑鈍不可教故。○佛性論云凡夫以身見為性壽向盡餘命無幾三病相謂眾痛迫切存亡無期四死相謂盡也風先火次諸根敗壞存亡異趣故。

人有為四相

長阿含經云一生相謂五陰興起已得命根二老相謂生

人間四事必定別離

正法念經云一少年二安隱三

壽命四具足。

具足即如是富貴如是四

地獄趣

立世論云

法必定別離智者常須觀察。耶。此云無喜樂。○毗婆沙論云泥犁迦秦言無去處。○大毗婆沙論云捺洛迦此云不可樂論問何故名

捺洛迦。答是那洛迦所趣故。是中有那洛迦故名捺洛迦。彼諸有情無悅無愛無味無利無喜樂故名那洛迦也。今稱地獄者地底也下也。謂萬物之中最在底下也。獄局也。謂拘局不得自在故。○三法度人經云地獄有三種一熱有一十八所二寒有一十八所。此是三邊又名輕繫又名孤獨此有三別一山間二

水中三

落地獄因

婆沙論云。由先時造作增上暴惡身語意惡行。生彼

○辯意經云。有五事死入地獄。一不信三寶而行誹謗。輕毀聖道。二破壞佛寺。三輩轉相誹謗。不計殃罪。

無敬順意。無有君臣父母。五已得為道。不順師教。而自貢高。輕慢謗師。地獄因果。廣有章門。此但梗概。

畜

生趣

立世論云。梵語底切。都發。栗車。此云畜生。○大婆沙論云。傍生謂其形謗故。畜

生因

業報差別經云。具造十業。生畜生。一。身惡。二。口惡。三。意惡。四。從貪起惡。五。從嗔起惡。

六。從癡起惡。七。毀罵衆生。八。惱害衆生。九。施不淨物。十。邪婬。○辯意經云。有五事作畜生。一。犯戒私竊。二。負債不還。三。殺生。四。不喜聽受。三塗。西域記云。俗書春秋

有三塗危險之處。借此名也。塗猶道。非謂塗炭之義。若依梵語云。阿波那伽。依此云惡道。道是因義。由履而八難。一。地獄。二。餓鬼。三。畜生。四。北洲。五。無想天。六。佛前後。七。世智辯聰。八。生盲瘖瘂。脩羅趣。又云。阿須倫。○海龍王經。此云無善神。○大毗婆沙論云。阿素洛。此云非天。又

素洛是端正義阿是非義謂身形不端正故○楞嚴經云若於鬼道以護法力成通入空從卵而生鬼趣攝若天中降德與墜其所卜居鄰於日月從胎而生人趣所攝若執持世界力洞無畏能與梵王及天帝釋四天爭權因變化有天趣所攝有一類下劣生大海心沉水穴口且遊虛空暮歸水宿因濕氣生畜生

趣脩羅因

諸經論多由瞋慢及疑三種因生

閻羅王

梵音

閻摩羅此云遮謂遮令不造惡故○瑜伽論問餘摩王能損害為能饒益名法王答由饒益故若諸衆

生執到王所令憶念故遂為現彼相似之身告言汝等自作當受其果由感那洛迦新業更不積集故業盡已脫那洛迦是故餘摩由能饒益諸衆生故名法王

衆生

梵云僕呼善那此云衆生

謂衆緣所生故○祐法師云衆共生世故名衆生○唐三藏譯名有情謂一切無情物皆假衆緣生今簡去無情故云有情○證契大乘經云衆生者何義佛言是情想和合所謂地水火風空識名色界入緣起及因業果會對而生故○楞伽經云一切衆無明為根本於愛隨業流運心又唧多此

是緣慮義。唯識論云。集起名心。即八識也。○中陰經偈云。心為人毒本。善惡隨其形。行善即趣善。行惡即趣惡。○正法念經云。一切法行主。所謂彼心是。又云。一切善不善法。心為根本。○心地者。佛言三界之中。以心為主。衆生之心。猶如大地。五穀五果。從大地生。如是心法。生世出世善惡五趣三乘。以是因緣。三界唯心。故名心地。

志學

學

効也。白虎通云。學。覺也。覺悟所不知也。○中論云。昔之君子。成德立身。身沒而名不朽。其故何也。學也。學者。所以疏神達思。怡情治性。聖人之上務也。學猶飾也。器不飾則無以爲美觀。人不學則無以有懿德。志者。學之師也。學者。患志之不立。故篇目志學焉。○僧史略云。夫學不厭博。有所不知。蓋闕如也。此士高僧。能攝異宗。二學。毗奈耶云。佛說有二種學業。一讀誦。二禪思。○鈔云。五夏已前。依人受學。三學。僧祇律云。律藏五夏已後。應學無人我法。學有三種。

篇詩國雅注
之篇出情
事明篇之

毗奈耶云。因舍利子降伏。

毗奈耶云。因舍利子降伏。

外書是故祇壇中有書院其中置大千界不同文書
佛許比丘遍讀為降外道故不許依其見解地持論

律云五分

若般

法苑云。莊子曰。人而不
學。謂之視肉。學而不行。

吳文謙字恭明
號智囊高

義

隋高僧法願大明律
藏詞辯高亮彭亨難

僧

傑

高僧僧慧與暢法師長講三藏號二十
傑○隋高僧敬脫號僧傑才兼萬人

彌天

釋

道安法師在襄陽因習鑿齒來謁
云四海習鑿齒齒答云弥天釋道安

釋門千

里駒

長安常辯二法師為上京之法匠嗟
賞獎法師曰汝可謂釋門千里駒也

義

天

婆沙論云能解諸法義
見一切法空義名義夫

學海

高僧曇顯山東
江表號為學海

經笥法將

並五印度學
人稱獎法師

釋門瑚璉

隋

丘惠聚法師汝南
周弘正常嘉歎也

慧苑琳瑯

隋高僧志念有
學名當時號也

寫瓶傳器

經云阿難領受佛法如寫瓶水傳
之別器更無遺餘瓶器雖殊水則

無傳燈

肇云自行化彼則功德弥
增法光不絕亦名無盡燈

投針

西域
記云

西天十五祖迦那提婆初謁龍猛菩薩本小藏
子持示之提婆見默以針投之弟子持返猛問彼何
辭平答默但投針猛曰智矣
若人也宜速命入於斯際會

三絕

高僧法安身
長八尺有三

絕。一風儀挺特。二解義窮深三精進四絕高僧洪偃傳學內外

閣時是四絕一兒。五備羅什答遠法師書云。夫財有五備。謂福戒博聞。

辯才深智。兼之道隆。未具者凝。八備隋彥琮法師云。夫預

翻譯有八備。十條一誠心受法。志在益人。二將踐勝

場。先牢戒足。三文詮三藏義貫。五乘四傍。涉文史工

綴典詞。不過曾拙。五懔懔平怨。器量虛融。不好專執。沉於道術。淡於名利。不欲高街。六要識梵言。七不墜

彼學。八博閱著雅。粗讀篆隸。不昧此文。十條者。一句

韻。二問答。三名義。四經論。五歌頌。六呪功。七品題。八

事業。九字。部。十字聲。因人顯名晉吉友法師永嘉中到江左丞相王導見奇

之以爲吾之徒。紙貴如玉高僧無垢眼又云青眼律師初譯出

也。因此名顯。標領僧叡年二十二。云都人繕寫紙貴如玉。傳解經論禪觀

能講說。司徒姚崇重之。時姚與猶未識。問崇曰。叡也。如何。崇曰。鄴衛松柏。及與相見。語論觀之。才器與日

乃是四
領袖
高僧慧約學窮內外何尚之所重

海標領
領袖
竟陵文宣王出鎮禹穴時有名僧

在座約年夏未降王見歛躬盡禮衆
八達
高僧

不悅王曰此上人方爲釋門領袖
八達
支學

龍博通內外阮瞻等名
八能
高僧真觀有八能

士並爲知己呼爲八達
八能
謂義導書詩辯兒

聲
辯鼎
道安號彌天釋學瞻內外符堅於監田

基
辯鼎
獲一木鼎邊有寫學朝廷人不識乃問

於安安曰魯襄公所鑄堅
擔筆
高僧敬脫游學

勅三館有疑皆問安師
擔筆
時擔一筆長三

如臂有人乞書大小字隨筆
談諧上首
支道

而成曾無脩飾觀者無厭
談諧上首
字道

林晉長帝請住東安寺却超孫綽等一代名士
義
皆爲塵外之交日造其室皆推道談諧爲上首

解名知

高僧法開以義解知名天下與謝安

王文度等爲文學之交孫綽曰深通

內外中華瞻
寒松
惠隆學窮義理宋代名賢多

逸其在開乎
寒松
爲交友而節操容兒有若寒

松時周顒謂曰隆法師
碧雲
慧休姓湯工於風

碧雲合。佳入殊未

立雪

此土第二祖本名神光。更名惠可。初參達磨立

在雪

撒被

高僧惠韶。學於綽公。獨貧于衆。撒被寫論。必寒聽講。大曉文義。

擁

塵

道超。苦學獨居一室。以儒釋經典。環座手不釋卷。任塵擁室。時中書吳群問曰。虫鳴塵擁。安得

無忤。超曰。虫聲足代蕭管。塵土滿室。未暇掃也。

擬書

高僧法雅。善內外學。多俗上咨稟。以

經義難解。雅將比擬外書。為生解之例。謂之格義。

德香

增一經云。有妙香三種。謂多聞

香。戒香。施香。此三香。逆風順風。無不聞之。最勝無等。

道風

寶林傳云。祖師難提至摩提國。

一日有風西來。占曰。此道風也。必有道人至。果得伽耶舍多至。

交薤

法苑云。弘始三年。姚

興園中植薤。一日皆變為薤。占之。合有智人至。果得羅什法師來。

學者二患

肇法師云。雖解深義。未為心用。尊已慢人。不能誨益。此學者之外患也。因其所解而取相分別。雖曰為解。未合真解。此學者之內患也。

無錢決貨

法苑云。論衡曰。手中無錢之市決貨。

其主必不與也。夫曾中。無學亦猶手中無錢也。炳燭說苑云。晉平公問師曠曰。吾年七十

欲學恐已暮矣。對曰。暮何不炳燭乎。臣聞少而學者如日出之陽。壯而學者如日中之光。老而學者如炳

燭之明。孰與昧行乎。平公曰。善哉。誠法苑云。今有淺學之人。自謂智出於衆。起大憍慢。放誕形

容。欬滅一切。籠罩天地。箕踞於師長之前。叱吒於尊者之側。道本和合。恭順為僧。既心兒乖逆。豈成賢也。

慎之哉

釋氏要覽卷中

On the 21



